



Inatsisartut suleriaasianni § 33 naapertolugu ima ittumik Inatsisartut aaliangiiffigisassaannik siunnersuuteqarpugut:

**Innutaausut peqqinnerulernissaat pillugu suliniutit sukkulluunniit atuuttut piviusunnigortinneqarnerinut tunngatillugu suliniutit pillugit Naalakkersuisut ataanni akisussaallutik ingerlatsisut kommunillu akornanni pituttuisumik isumaqatigiissuteqarnissaq pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut, taamaalilluni ataavartumik killiffimmik nalunaarsuinerit, nalilersuinerit aammalu innuttaasut peqqinnerulernissaat pillugu suliniummi immikkoortut ataasiakkaat aqqigallerneqarsinnaalernissaat qulakkeerneqarsinnaaqqullugu, kiisalu suliniutit pingaartinneqartut suliallu ingerlanneqarnissaannut naammattumik isumalluuteqarnissaq anguneqaqullugu taakkulu peqqinnerulernissamik angusaqarnissamik kinguneqartussamik inatsisiliornermik malitseqartinneqarlutik. Naalakkersuisut kingusinnerpaamik UPA 2013-imi suliniutip taassuma inernerit pillugit Inatsisartunut saqqummiussissapput.**

(Siumup Inatsisartuni ilaasortaaitai)

#### **Tunngavilersuut:**

Innuttaasut tamarmik inuunerissuunissaat toqqissimallutillu peqqissuunissaat kiisalu timikkut tannikkullu nukittullutik kinaasutsiminnik ilisimaarinninnissaat qulakkeerniarlugu Siumut sulivoq.

Siumup pingaartilluinnarpaa suliniutigisatta nalilersortuarnissaat aammalu sulissutigiuassallugu suleriesitta, ingerlatseriaatsitta innuttaasunut tulluurtuuneranik sunniuteqarneranillu nalilersuiuarnissaq.

Politikkikkut maaniittugut tamatta nunatsinni imigassamik ikiaroonartumillu atonerluinerup aningorniarnanik suliniuteqarnissamik pingaartitsivugut suliniutinullu tunuliaqutsiilluartaarluta. Ukiut ingerlanerini aningaasarpasuit millionerpassuit pinaveersaartitsinermut paasititsiniuteqartarnermullu atortareersimalerpavut. Suminginnaanerup aammalu imminortarnerup akiorniarnanik paasitisiniaanerit imaanginnavissut ingerlanneqartarput sulissutigineqartarlutillu. Amerlaqisut pitsaasumik kinguneqarput, qujanartumik. Kisiannili ingerlariuseq taamaattuaannartussaana apeqquuserparput isumaqaratta angusarisat pitsaanerussaalluurtut. Isumaqarpugut sulieruserput allanngortittariaqartoq.

Imminortarnerit kisitsisitigut takutinneqarpoq akuersarneqarsinnaanngilluinnartumik qaffasinneranik, ikiaroonartumik atuisarneq inuiaqatigiinnit akuerineqaannarpalunna tusartalerparput, inuusuttut tupamik atuisut suli amerlaqisut, kinguaassiuutitigullu atonerluisarnerit nalunaarutigineqartartut suli amerlaqisut minnerunngitsumillu pualavallaarnerup kingunerisaa-nik nappaatit atuutilersut amerliartuinnarput.

Siorna 2011-mi Naalakkersuisut Inuunerittap suliniutai pillugit suliniarnerup qiteqqunnerani nalilii-nertut taallugu nalunaarusiamik saqqummersitsipput. Naliliineq sulinerup qiteqqunnerani taaneqartussaannikkaluartoq kisiannili suliniutip naalernerani nalunaarusiatut taaneqartussaasimagunalaruapoq, ilami suliniuteqarneq piffissalernerqarsimammat 2007-miit 2012-mut ingerlassasoq.

Inuunerittat 2007-imit 2012-imit suliniuteqarfii tassaapput:

1) Imigassaq ikiaroomartorlu, 2) persuttaasarneq kinguaassiuutitigullu persuttaasarneq, 3) immi-nortarneq, 4) nerisaqarneq timigissarnerlu, 5) pujortartarneq, 6) meeqqat inuussuttuaqqallu, 8) utoqqaat aammalu 9) kigutigissuuneq.

Piffissap qiteqqunnerani nalilersuinermi suliniutini assigiinngitsuni sunniutit pitsaasut amerlasima-galuartut, taamaattoq suli annertuunik unammilligassaartoq, aammalu anguniakkat angunissaanut suli aqut takeqisoq pingaarnertut naliliutaavoq. Innuttat peqqinnerulernissaanni suliniuteqarfiit amerlasuut suliniutip aqqissorneqarneranik ataqatigiissillugu kiisalu siunissami unammilligassat pingaaruteqarput. Piffinni amerlasuuni suleqataalluortoqarlunilu piumassuseqartoqarpoq, piviusun-gortitsinissamullu kiisalu peqqinnerulernissamut suliniutinut pisariaqartitanut sanilliullugu piffinni aningaasatigut inuttatigullu periarfissat annikitsuarsuuppup. Taamaammata ataatsimut isigalugu pif-fimmit piffimmut peqqinnerulernissamut suliniutit assigiinngiiaarpallaartut isumaqartoqarpoq. Aaqqissuussinnginneq piffinnilu patajaatsumik ingerlanngineq suliniummut tunngatillugu annertuu-mik unammilligassaapput.

Piffissap qiteqqunnerani naliliinermi inassuteqaat nr. 4-mi ilaatigut ima allassimasoqarpoq: ”Taamaattoq innuttaasut peqqissuunissaannik suliniummut tunngatillugu kommunini nunamilu tamarmi naalackersuineramik ingerlatsisut patajaannerusumik tapersersuinnessaat amigaatigineqarpoq, soorlu isumaqatigiissutit pituttorsimasut, suliaqarfiit ataasiakkaatkilliffiisa ingerlaavartumik nalilersorneqartarnerat aqqissuunneqartarnerallu, kiisalu isumalluutissanik pisariaqartinneqartunik tunniussisarneq aamma peqqissutsimik siuarsaasumik nutaanik inatsisiliorusussuseqarneq aqutugalugit.” Periutsimik innuttaasut peqqissuunissaanut tunngasunik nuna tamakkerlugu pingaar-nersuinerit piffinni pingaarnersuinerinik ataqqinnittumik ineriartortitsinissamik isumaqatigiissutit taakku siunertaqarput, tamatumalu peqatigisaanik isumaqatigiissutit eqqortinneqassapput.

Taamatut tulleriiaarinerup piffinnilu suliamik ingerlatsisunik oqaloqateqarnerup piffinni suliap in-gerlanneqarnerullunilu piffimmi innuttaasunik akuliutsitsinerunissaa qulakiissavaa. Tamannalu aamma kommunerujussuannngortitsilluni kommuninik aqqissuussinerup anersaaraa.

Namminersorlutik Oqartussat Inuunerittamik Paarisamillu immikkoortortaata kommunerujussuar-nik pituttuisumik isumaqatigiissuteqarnerata illuatungeriit tamaasa naligiimmik suleqatigiilersissa-vai, illuatungeriillu anguniakkat anguneqarnissaat minnerunngitsumillu anguniakkat pillugit illua-tungeriinnik akuliutitsinerullunilu patajaannerusumik ingerlatinerulernissaq qulakeerseqassaaq.

Partiit illuatungeriit annerusumik akuutilernissaannut aqutissiuqataanissaat kiisalu Naalackersu-isut illuatungeriinnut pituttuisumik isumaqatigiissuteqarnissamik suliniuteqarnermikkut anguniak-katta pitsaasut siusinnerusumut sanilliullugu tunaartaqarluarnerulernissaat Siumup neriuutigaa.

### **Siunnersuutip aningaasatigut allaffissornikkullu kinguneqaatissai**

Siunnersuut una immikkut allaffissornikkut, aningaasatigut kiisalu sulinerulernikkut kinguneqaa-teqassanngitsoq Siumut isumaqarpoq, aningaasatigummi sinaakkutit aalajangerneqareerlutillu allaf-fissornermi Inuunerittami Paarisamilu sulisoqareerpoq, taakkulu innuttaasut peqqinnerulernissaan-nik ulluinnarni suliaqareerput. Namminersorluni Oqartussani kommuninilu sulisut ingerlatsinerup pisariinnerulernera malugissavaat, pinaveersaaritsinermullu kiisalu innuttaasut peqqinnerulernissaan-nik suliniutini sulianut tunngatillugu aqqissuussaannikkut erseqqissunik isumaqatigiissuteqartoqar-lunilu suliamik agguataarinikkut oqilisaavigineqarlunik. Eqaannerusumik attaveqarsinnaalernerq al-laffissornikkut nalorninnginnerulernermik suliallu ingerlanneqarnerani kiisalu suliat aquanneqarne-ranni nalorninnginnerulernerq kingunerissavaa.

Siunnersuutittaaq matuma pineqartumi pinaveersaartitsinermi suliniutit sunniuteqarnerulernerat aamma nassatarissavaa.